

Hala rosea ku yudansa di un aparato riba kuido intensivo óf IC



Tin malesa por kousá ku tiki oksígeno ta yega den sanger.

Esei no ta bon.

Tin biahá e pashènt por sintié sofoká.

E ora ei un aparato pa yuda hala rosea por remplasá e halament'i rosea.

Esaki por solamente den hòspital riba departamentu IC.

IC ta para pa Intensive Care na Ingles. Na Papiamentu esaki yama kuido intensivo.

E departamentu akí ta pa pashèntnan ku ta hopi malu.

Un periodo largu na mashin di hala rosea den kuido intensivo, ta un proseso hopi pisá.




Pone un pashènt na ventilashon mekániko por ta un eksperiensia no agradabel pa e pashènt.

E pashènt mester ta kompletamente relahá.

E pashènt ta haña un infüs ku remedi pa drumi.

Di e forma akí e pashènt tin menos difikultat ora e ta ser butá na mashin.




E pashènt ta haña un pipa via su boka ku ta bai garganta den e tubu di hala rosea.

E otro banda di e pipa ku no ta den e garganta ta pegá ku un slang na e aparato di ventilashon.


E aparato ta tuma over e halament'i rosea.

E pashènt no ta sinti esaki.



Tin pashènt na mashin ku ta drumí riba lomba.


Tin pashènt na mashin ku ta drumí riba barika.



Ora ta bayendo mihó ku e pashènt, ta lant'é fo'i soño pokopoko.
Hopi biaha e pashènt no sa mesora unda e ta ni kiko a pasa.

Ta paga e aparato di hala rosea ora e pashènt por hala rosea riba su mes.
E pashènt ta hopi suak ahinda.

Tin biaha un pashènt no ta lanta mas. Hopi biaha hende grandi i hende ku
tin mas ku 1 malesa por fayesé riba IC.



**Si bo tin
pregunta:**

Traha un sita ku e dòkter ku ta atendé ku bo i papia ku ne riba e tópiko.

Ta duru pa haña yudansa pa hala rosea pa un periodo largu riba IC.

E pashènt por keda hopi tempu den hôspital.

Tin biahá e pashènt ta bai un kas di kuido òf un sentro di revalidashon.

E pashènt ta hopi suak ahinda.

Esei por dura algun luna òf asta un año.

Den e periode akí e pashènt mester di yudansa òf kuido profeshonal.

Pashèntranan di edat mas haltu no ta rekuperá i bai bèk na mes bon estado di salú manera ántes.